


“Kindiktepa” dan nimalar ma'lum?

Kindiktepa - Tuyabo'g'iz suv ombori (Toshkent dengizi) hududidagi arxeologik yodgorliklardan biridir. Tuyabo'g'iz qishlog'idan 2 km janubda joylashgan.




“Kindiktepa” nomining kelib chiqishi yaqin tarixga borib taqaladi. Bu soʻz oʻzbek va turk tillaridagi “kindik” soʻzidan kelib chiqqan. Arxeologlar tomonidan olib borilgan qazuv ishlari natijasida yodgorlikning stratigrafik rejasi Toshkentdagi Shoshtepani eslatishi maʼlum boʻldi. Bu yodgorlik Burgʻuluq madaniyatiga tegishli boʻlib, dastlab qishloq koʻrinishida, keyinroq shahar markazi darajasiga koʻtariladi. Uning nomi tarixiy manbalarda saqlanib qolmagan.

Qazilma jarayonlarida topilgan kulolchilik ashyolari e. av. I - IV asrlarga oid boʻlgan Qovunchi madaniyatini koʻrsatadi. Sopol buyumlarning dastalarida uy hayvonlarining, jumladan, buqa, qoʻy boshining tasviri tushirilgan. Bu tasvirlar Qovunchi madaniyatiga tegishli aholining diniy tasavvurlarini anglatadi.



Manzilgohdan ko'plab numizmatik materiallar ham topib o'rganilgan bo'lib, u O'rta Osiyoning boshqa hududlari bilan olib borilgan keng iqtisodiy aloqalardan darak beradi.

Yodgorlikdan topilgan, Chochda zarb etilgan sosoniylar va qoraxoniylar davri tangalari hamda sirli sopol buyumlari shaharning IX—XII asrlarda yangi taraqqiyot darajasiga ko'tarilgani va savdo iqtisodiy aloqalarda muhim ahamiyatga ega bo'lganidan darak beradi.



Hozirgi vaqtda shahar atrofida va uning chekkasida suvning pasayishi natijasida ko'plab past-baland tog'lar

paydo bo'lgan. Bu yerda olib borilgan qazishmalarda Qovunchi madaniyatiga xos idishlar, temir pichoqlar, turli asboblardan, zargarlik buyumlari bilan birga dafn qilingan katakombalar topildi.